


唐詩所前集



古樂府

漢書門類			
一一八四三號	八〇函	四架	三二冊



內閣文庫			
一一八四三號	三二冊	一六架	三九函
漢書			

內閣文庫	
番號	漢 11843
冊數	32(3)
函號	319 124



唐詩所第一卷

古樂府

前集

郊祀歌辭

郊天舊樂章

淺草文庫

登鉤禮著黍稷誠微音盈鳳管彩駐龍旂洪歆式就介

福攸歸送樂有闕靈馭遄飛

右豫和

享昊天樂章

十二首武后永昌元年作

太陰凝至化真耀蘊軒儀德邁娥臺敞仁高姒幄披捫

天遂啓極夢日乃昇曦

瞻紫極望玄穹翹至懇罄深衷聽雖遠誠必通垂厚澤

降雲宮

乾儀混成冲邃天道下濟高明闔陽晨披紫闕太一曉
降黃庭圓壇敢申昭報方璧冀展虔情丹襟式敷衷懇
玄鑒庶察微誠

巍巍睿業廣赫赫聖基隆菲德承先顧禎符萃眇躬銘
開武巖側圖薦洛川中微誠詎幽感景命忽昭融有懷
慙紫極無以謝玄穹

朝壇霧卷曙嶺煙沈爰設篚幣式表誠心筵輝麗璧暢
樂和音仰惟靈鑒俯察翹襟

昭昭上帝穆穆下臨禮崇備物樂奏鏘金蘭羞委薦桂
醑盈斟敢希靈德聿罄莊心

樽浮九醞禮備三周陳誠菲奠契福神猷

奠璧郊壇昭大禮鏘金拊石表虔誠始奏承雲娛帝賞
復歌調露暢韶英

荷恩承顧託執契恭臨撫廟畧靜邊荒天兵曜神武有
截資先化無爲遵舊矩禎符降昊穹大業光寰宇

肅肅祀典邕邕禮秩三獻已周九成斯畢爰撤其俎載
遷其實或升或降唯誠唯質

禮終肆類樂闋九成仰惟明德敢薦非馨顧慙菲奠久
駐雲輶瞻荷靈澤悚戀兼盈

式乾路闢天扉迴日馭動雲衣登金闕入紫微望仙駕

迎恩徽

祀昊天樂章

十首中宗景龍二年作

天之曆數歸睿唐顧惟菲德欽昊蒼異吉日今表殷薦

冀神鑒兮降闈陽

右豫和

恭臨寶位肅奉瑤圖恒思解網每軫泣辜德慙巢燧化

劣唐虞期我良弼式贊嘉謨

右太和

得一流玄澤通三御紫宸遠叶千齡運遐銷九域塵絕

瑞駢闐集殊祥絡繹臻登年慶棲畝稔歲賀盈囷

右告謝

悠哉廣覆皇矣曲成九玄著象七曜甄明珪璧是奠醞

酌斯盈作樂崇德爰暢咸英

右肅和

崇壇展敬嚴配因心孤竹簫管空桑瑟琴肅穆大禮鏗

鏘八音恭惟上帝希降靈歆

右雍和

九成爰奏三獻式陳欽成景福恭託明禋

右福和

坤元光至德柔訓闡皇風苾苾芳聲遠螽斯美化隆睿

範超千載嘉猷備六宮肅恭陪盛典欽若薦禋宗

右中宮助

祭升壇

三靈降饗三后配神虔誠祭奠敬展郊禋

右亞獻

已陳粢盛敷嚴祀更奏笙鏞協雅聲璇圖寶曆欣寧謐

晏俗淳風樂太平

右舒和

堂堂聖神興赫赫昌基泰戎車盟津偃玉帛塗山會舜

日啓祥暉堯雲卷征旆風猷被有截聲教覃無外右凱安

五郊舊樂章 十首

朱明紀序黃郊王辰厚以載物甘以養人毓金爲體稟火成身宮音式奏奏以迎神右黃郊迎神

春末冬暮徂夏杪秋土王四月時紀一周黍稷已亨籩

豆宜收送神有樂神其賜休右送神

緹幕移候青郊啓蟄淑景遲遲和風習習璧玉宵備旌

旌曙立張樂以迎帝神其入右青郊迎神

文物流彩聲明動色人竭其恭靈昭其飭歆薦無已垂

禎不極送禮有章惟神還軾右送神

青陽節謝朱明候改靡草彫花含桃流彩虞列鐘磬筵

陳脯醢樂以迎神神其如在右赤郊迎神

炎精式降蒼生攸仰羞列豆籩酒陳犧象昭祀有期令

儀不爽送樂張音惟靈之往右送神

序移玉律節應金商天嚴殺氣吹警秋方禋燎旣積稷

奠並芳樂以迎奏庶降神光右白郊迎神

祀遵五禮時屬三秋人懷肅敬靈降禎休奠歆旨酒薦

享珍羞載張送樂神其上遊右送神

玄英戒序黑郊臨候掌禮陳彝司筵執豆寒氛斂色沍

泉凝漏樂以迎神八音斯奏右黑郊迎神

北郊時列南陸輝處奠本虔誠獻彌恭慮上延祉福下
承歡豫廣樂送神神其整馭 右送神

五郊樂章

二十首魏徵褚亮虞世南等作

黃中正位含章居貞既長六律兼和五聲畢陳萬舞乃
薦斯牲神其丕降永祚休平 右黃帝宮音

眇眇方輿蒼蒼圓蓋至哉樞紐宅中圖大氣調四序風
和萬籟作我明德時雍道泰 右肅和

金懸夕肆玉俎朝陳饗薦黃道芬流紫宸迺誠迺敬載

三載禮崇薦斯在惟皇

一作神

是賓

右雍和

御徵乘宮出郊甸安歌率舞遞將迎自有雲門符帝賞

猶持雷鼓答天成

右舒和

鶴雲日起鳥星昏集律候新風陽開初蟄至德可饗行
潦斯挹錫以無疆蒸人乃粒 右青帝角音

玄鳥司春蒼龍登歲節物變柳光風轉蕙瑶席降神朱
絃饗帝誠備祝嘏禮殫珪幣 右肅和

大樂稀音至誠簡禮文物棣棣聲明濟濟六變有成三
登無體迺眷豐潔恩覃愷悌 右雍和

笙歌籥舞屬年韶鷺鼓鳧鐘展時豫調露初迎綺春節
承雲遽踐蒼霄馭 右舒和

青陽告謝朱明戒序延長是祈敬陳椒醑博碩斯薦笙

古樂府 卷一 五
鑪備舉庶盡肅恭非馨稷黍

右赤帝徵音

離位克明火中宵見峯雲暮起景風晨扇木槿初榮含
桃可薦芬馥百品鏗鏘三變

右肅和

昭昭丹陸奕奕炎方禮陳牲幣樂備篔簹瓊羞溢俎玉
醑浮觴恭惟正直歆此馨香

右雍和

千里溫風飄絳羽十枝炎景騰朱干陳觴薦俎歌三獻
拊石撻金會七盤

右舒和

白藏應節天高氣清歲功既阜庶類收成萬方靜謐九
土和平馨香是薦受祚聰明

右白帝商音

金行在節素靈居正氣肅霜嚴林彫草勁豺祭隼擊潦

收川鏡九穀已登萬箱流詠

右肅和

律應西成氣躔南呂珪幣咸列笙竽備舉苾苾蘭羞芬
芬桂醑式資宴貺用調霜序

右雍和

璿儀氣爽驚緹籥玉呂灰飛含素商鳴鞀奏管芳羞薦
會舞安歌葆眊揚

右舒和

嚴冬季月星迴風厲享祀報功方祚來歲

右黑帝羽音

律回玉琯星周金度次極陽烏紀窮陰兔火林霰雪湯
泉凝沍八蜡已登三農息務

右肅和

陽月斯紀應鍾在候載潔牲牲爰登俎豆既高既遠無
聲無臭靜言格思惟神保佑

右雍和

執籥持羽初終曲朱干玉鉞始分行七德九功咸已暢
明靈降福具穰穰

右舒和

季秋享上帝於明堂樂章

三首褚亮作

象天御宇乘時布政嚴配申虔宗禋展敬罇罍盈列樹
羽交映玉幣通誠祚隆皇聖

右肅和

八牖晨披五精朝奠霧凝璇筐風清金縣神滌備全明

粢豐衍載結彛俎陳誠以薦

右雍和

御展合宮承寶曆帝圖重館奉明靈偃武修文九圍泰

沈烽靜析八荒寧

右舒和

明堂樂章

十一首武后永昌元年作

總章陳昔典衢室禮惟神宏規則天地神用叶陶鈞負
展三春旦充庭萬宇賓顧已誠虛薄空慙馭兆人

右外辦將

仰膺曆數俯順謳歌遠安邇肅俗阜時和化光玉鏡訟

息金科方興典禮永戢干戈

右皇帝行

至人光俗大孝通神謙以表性恭惟立身洪規載啓茂

典方陳譽隆三善祥開萬春

右皇嗣出入升降

千官肅事萬國朝宗載延百辟爰集三宮君臣德合魚

水斯同睿圖方永周曆長隆

右迎送王公

禮崇宗祀志表嚴禋笙鏞合奏文物惟新敬遵茂典敢

擇良辰潔誠斯著奠謁方申 右登歌

笙鏞間鳴玉文物昭清暉睟影臨芳奠休光下太微孝

思期有感明潔庶無違 右配饗

履良包羣望居中冠百靈萬方資廣運庶品荷財成神

功諒匪測盛德實難名藻奠申誠敬恭祀表惟馨 右宮音

出震位開平秩扇條風乘甲乙龍德盛鳥星出薦珪篚

陳誠實 右角音

赫赫離精御炎陸滔滔熾景開隆暑奠延神鑒俯蘭罇

式表虔襟陳桂俎 右徵音

律中夷則序應收成功宣建武義表惟明爰申禮奠庶

展翹誠九秋是式百穀斯盈 右商音

葭律肇啟隆冬蘊藻攸陳響祭黃鍾既調玉燭紅粒方

殷稔歲 右羽音

冬至祀園丘樂章 八首魏徵褚亮虞世南等作

上靈睠命膺會昌盛德殷薦叶辰良景福降兮聖德遠

玄化穆兮天曆長 右豫和

穆穆成后道應千齡登三處大得一居貞禮惟崇德樂

以和聲百神仰止天下文明 右太和

闔陽播氣甄曜垂明有赫玄宰深仁曲成日麗蒼璧煙

開紫營聿遵乾享式降鴻禎 右肅和

欽惟大帝戴仰皇穹始命田燭爰啓郊宮雲門駭聽雷
鼓鳴空神其介祀景祚斯融右雍和

八音斯奏三獻畢陳寶祚惟永暉光日新右壽和

疊璧凝影皇壇路編珠流彩帝郊前已奏黃鐘歌大呂

還符寶曆祚昌年右舒和

昔在炎運終中華亂無象艷郊赤鳥見邙山黑雲上大

賚下周車禁暴開殷網幽明同叶贊鼎祚齊天壤右凱安

歌奏畢兮禮獻終六龍馭兮神將昇明德感兮非黍稷

降福簡兮祚休徵右豫和

祀圓丘樂章十一首玄宗開元十一年張九齡等

至矣丕構烝哉太平授犧膺錄復禹繼明草木仁化鳥

鷺頌聲祝宗陳德無愧斯誠右豫和

郊壇齋帝禮樂祀天丹青寰宇宮徵山川神祇畢降行

止重旋融融穆穆納祉洪延右太和

止奏潛聆登儀宿嘽大玉躬奉參鍾首奠簠簋聿昇犧

牲遞薦昭事顯若存存以俟右肅和

燭雲普洽律風無外千品其凝九賓斯會禋尊晉燭純

犧滌汰玄覆攸廣鴻休汪濊右雍和

六變爰闋八階載虔祐我皇祚於萬斯年

於赫聖祖龍飛晉陽底定萬國奄有四方功格上下道

冠農黃郊天配享德合無疆

崇崇泰峙肅肅嚴禋粢盛孔潔金石畢陳上帝來享介

福爰臻受釐合祉寶祚維新 右壽和

祝史正辭 一作人神叶慶 福以德昭享以誠應 一作

接六變云備百禮斯浹祀事孔明祚流萬葉 右舒和

馨香惟后德明命光天保肅和崇聖靈陳信表皇道玉

鉞初蹈厲金匏既靜好介福何穰穰精誠格穹昊 右凱

大號成命思文配天神光盼嚮龍駕言旋眇眇閭闔昭

昭上玄俾昌而大於萬斯年 右豫和

六成既闕三薦云終神心具醉聖敬愈崇受釐皇邸迴

躡帷宮穰穰之福永永無窮 右太和

祭方丘樂章 五首褚亮作

萬物資以化交泰屬昇平易從業惟簡得一道斯寧具

儀光玉帛迭舞變咸英黍稷良非貴明德信惟馨 右順

至矣坤德皇矣地祇開元統紐合大承規九宮肅列六

典相儀永言配命長保無虧 右肅和

柔而能方直而能敬厚載以德大亨以正有滌斯牲有

馨斯盛介茲景福祚我休慶 右雍和

玉幣牲牲分薦享羽旄干鉞遞成容一德惟寧肅儀泰

三材保合四時邕 右舒和

陰祗協贊厚載方貞牲幣具舉簫管備成其禮惟肅其
德惟明神之聽矣式鑒虔誠 右順和

祭方丘樂章

二首唐宗太極元年作

坤厚載物德柔垂祉九域咸雍四溟爲紀敬因良節虔
修陰祀廣樂式張靈其降止 右順和

坤元至德品物資生神凝博厚道協高明列鎮五嶽環
流四瀛于何不載萬寶斯成 右金奏

樂備金石禮光粁俎大享爰終洪休是舉雨零感節雲

飛應序纓紱載辭皇靈具舉 右順和

封泰山祀天樂章

十四首玄宗開元十三年張說作

挹泰壇柴泰清受天命報天成竦皇心薦樂聲志上達

歌下迎

億上帝臨下庭騎日月陪列星嘉視信大禋馨澹神心
醉皇靈

相百辟貢八荒九歌叙萬舞翔肅振振鏗皇皇帝欣欣
福穰穰

高在上道光明物資始德難名承眷命牧蒼生寰宇謐
太階平

天道無親至誠與鄰山川遍禮宮徵惟新玉帛非盛聰
明會真正斯一德通乎百神

享帝享親維孝維聖緝熙懿德敷揚成命華夷志同笙
鏞禮盛明靈降止感此誠敬 右豫和

孝敬中發和容外彰騰華照寓如昇太陽貞璧就奠玄
靈垂光禮樂具舉濟濟洋洋 右太和

尊祖配天承天享帝百靈咸秩四海來祭植我蒼璧布
我玄製華日徘徊神煙容裔 右肅和

俎豆有馥粢盛潔豐亦有和羹既戒既平鐘鼓管磬肅
唱和鳴皇皇后祖賚我思成 右雍和

烝烝我后享獻惟寅躬酌鬱鬯跪奠明神孝莫孝乎配
上帝親敬莫敬乎教天下臣

皇祖嚴配配享皇天皇皇降嘏天子萬年 右壽和

六鍾翕協六變成八佾倘佯八風生樂九叙兮人神感
美七德今天地清 右舒和

烈祖順三靈文宗威四海黃鉞誅群盜朱旗掃多罪戢
兵天下安約法人心改大哉干羽意長見風雲在 右凱安

樂已終禋燎上懷靈惠結皇想歸風疾迴風爽百福來
眾神往 右豫和

禪社首山祭地祇樂章 八首玄宗開元十三年賀知章作

至哉含柔德萬物資以生常順稱厚載流謙通變盈聖
心事能察增廣陳厥誠黃祇優如在泰折俟咸亨 右順和

肅我成命於昭黃祗裘冕而祀陟降在斯五音克備八音聿施緝熙肆靖厥心匪離

右太和

黃祗是祗我其夙夜寅畏誠潔匪遑寧舍禮以琮玉薦

厥茅藉念茲降康胡寧克暇

右肅和

夙夜宥密不敢寧宴五齊既陳八音在縣粢盛以潔房

俎斯薦惟德惟馨尚茲克徧

右雍和

惟以明發有懷載殷樂盈而反禮順其禋立清以獻薦

欲是親於穆不已哀對斯臻

右壽和

穆穆天子告成岱宗大裘如濡執珽有頤樂以平志禮

以和容上帝臨我云胡肅邕

右福和

昭昭有唐天俾萬國列祖應命四宗順則申錫無疆宗

我同德曾孫繼緒享神配極

右太和

靈具醉杳熙熙靈將往眇禋禋顧明德吐正辭爛遺光

流禎祺

右靈具醉

大享拜洛樂章

十四首武后永昌元年作

九玄眷命三聖基隆奉成先旨明臺畢功宗祀展敬冀

表深衷永昌帝業式播淳風

神功不測兮運陰陽包藏萬宇兮孕八荒天符既出兮

帝業昌願臨明祀兮降禎祥

坎澤祠容備舉坤壇祭典爰申靈睭遙行祕躅嘉貺荐

委殊珍肅禮恭禋載展翹襟邈志逾殷方期交際懸應

關
祇荷坤德欽若乾靈慙惕罔寘興居匪寧恭崇禮則肅
奉儀刑惟憑展敬敢薦非馨

非躬承睿顧薄德忝坤儀乾乾遵後命翼翼奉先規撫
俗勤雖切還淳化尚虧未能弘至道何以契明祇

顧德有慙虛菲明祇屢降禎符汜水初呈祕象溫洛荐
表昌圖玄澤流恩載洽丹襟荷渥增愉

舒雲致養合大資生德以恒固功由永貞升歌薦序垂
幣翹誠虹開玉照鳳引金聲

蘭俎既昇蘋羞可薦金石載設咸英已變林澤斯總山
川是遍敢用敷誠實惟忘倦

沈潛演貺分三極廣大凝禎總萬方既薦羽旌文化啓
還呈干鍼武威揚

夕惕司龍契晨兢當鳳辰崇儒習舊規偃霸循先旨絕
壤飛冠蓋遐區麗山水幸承三聖餘忻屬千年始

百禮崇容千官肅事靈降舞兆神疑有粹奠享咸周威
儀畢備奏夏登列歌雍徹肆

皇皇靈睠穆穆神心暫動疑質還歸積陰功玄樞紐理
寂高深銜恩佩德聳志翹襟

言旋雲洞兮躡煙途永寧中宇兮安下都包涵動植兮
 順榮枯長徼一作寶貺兮贊璇圖
 調雲闕兮神座興驟雲駕兮儼將昇騰絳霄兮垂景祐
 翹丹懇兮荷休徵

祭汾陰樂章

十一首玄宗開元十一年韓思復王
 峻崔玄同何鸞蔣挺源光裕等作

大樂和暢殷薦明神一降通感八變必臻有求斯應無
 德不親降靈醉止休徵萬人

坤元載物陽樂發生播殖資始品彙咸亨列俎棊布方
 壇砥平神歆禋祀后德惟明

大君出震有事郊禋齋戒既肅馨香畢陳樂和禮備候

暖風春恭惟降福實賴明神

於穆睿哲維清緝熙肅事昭配永言孝思滌濯靜嘉馨
 香在茲神之聽之用受福釐

於穆聖皇六葉重光太原刻頌后土疏場寶鼎呈符歆
 雲孕祥禮樂備矣降福穰穰

聿修嚴配展事禋宗祥符寶鼎禮備黃琮祝詞以信明
 德惟聰介茲景福永永無窮

蠲我饑饉絜我管籥有豆孔碩為羞既臧至誠無昧精
 意惟芳神其醉止欣欣樂康

禮物斯具樂章乃陳誰其作主皇考聖真對越在天聖

明佐神宵然汾上厚澤如春

樂奏云闕禮章載虔禋宗於地昭假於天惟馨薦矣既
醉歆焉神之降福永永萬年

維歲之吉維辰之良聖君綏冕肅事壇場大禮已備大
樂斯章一作張神其醉止降福無彊

方丘既膳嘉饗載謐齊敬畢誠陶匏貴質秀簋豐薦芬
俎盈實永永福流其昇如日

雩祀樂章 三首褚亮作

朱鳥開辰蒼龍啓暎大帝昭饗群生展敬禮備懷柔功
宣舞詠旬液應序年祥協慶 右肅和

緝筵分彩珎圖吐絢鳳管晨凝雲歌曉轉肅事蘭羞虔

申桂奠百穀斯登萬箱攸薦 右雍和

鳳曲登歌調令序龍雩集舞汎祥風綵凝雲迴昭睿德
朱干電發表神功 右舒和

雩祀樂章 二首開元中作

鳥緯遷序龍星見辰純陽在律明德崇禋五方降帝萬
年安人恭以致享肅以迎神

祀遵經設享緣誠舉獻畢于樽徹臨于俎舞止于戚樂
停祝啟歌以送神神還其所 右豫和

蜡百神舊樂章 二首

八蜡開祭萬物合祀上極天維下窮神紀鼎俎流芬罇
彝薦美有靈有祇咸希來止 右迎神

十旬歡洽一日祀終澄燹拂俎報德酬功慮虔容肅禮
縉儀豐神其降祉整馭隨風 右送神

蜡百神樂章 三首貞觀中作

序迫歲陰日躔星紀爰稽茂典聿崇清祀綺幣霞舒瑞
珪虹起百靈垂裕萬方受祉 右肅和

緹籥勁序玄英晚候姬蜡開儀翺歌入奏蕙馥彫俎蘭
芬玉酎大享明祇永綏多祐 右雍和

經緯兩儀文化洽削平萬域武功成瑤絃自樂乾坤泰

玉鍼長權區宇寧 右舒和

朝日舊樂章 二首

太陽朝序王宮有儀蟠桃彩駕夕柳光馳軒祥表合漢
曆彰竒禮和樂備神其降斯

五齊兼酌百羞具陳樂終廣奏禮畢崇禮明鑑萬寓照
臨兆人永流洪慶式動曦輪

朝日樂章 三首貞觀中作

惟聖格天惟明饗日帝郊肆類王宮戒吉珪奠春舒鐘
歌曉溢禮云克備斯文有秩 右肅和

晨儀式薦明祀惟光神物爰止靈暉載揚玄端肅事紫

幄興祥福履攸假於昭允王 右雍和

崇牙樹羽延調露旋宮扣律掩承雲誕敷懿德昭神武
載集豐功表睿文 右舒和

夕月樂章 三首貞觀中作

測妙為神通微曰聖坎祀貽則郊禋展敬璧薦登光金
歌動映以載嘉德以流曾慶 右肅和

朏晨爭舉天宗禮闕夜典恭秋陰明湛夕有醊斯旨有
牲斯碩穆穆其暉穰穰是積 右雍和

合吹八風金奏動分容萬舞玉鞘驚詞昭茂典光前列
夕曜乘功表盛明 右舒和

祭神州舊樂章 二首

黃輿厚載赤寰歸德含育九區保安萬國誠敬無怠禋
祀有則樂以迎神其儀不忒 右迎神

神州陰祀洪恩廣濟草樹霑和飛沈沐惠禮修鼎俎奠
歆瑤幣送樂有章靈軒其逝 右送神

祭神州樂章 三首貞觀中褚亮作

大矣坤儀至哉神縣包含日域牢籠月竈露潔三清風
調六變皇祗届止式歆恭薦 右肅和

泰折嚴享陰郊展敬禮以導神樂以和性黜牲在列黃
琮俯映九土既平萬邦貽慶 右雍和

古樂府 卷一 十一
坤道降祥和庶品靈心載德厚群生水土既調三極泰
文武畢備九區平 右舒和

祭太社舊樂章 二首

烈山有子后土有臣播種百穀濟育兆人春官緝禮宗
伯司禋戊爲吉日迎享茲辰 右迎神

吉祥式就酬功載畢親地尊天禮文經術貺徵令序福
流初日神馭爰歸祠官其出 右送神

祭太社樂章 三首 貞觀中褚亮等作

后土凝德神功協契九域底平兩儀交際戊期應序陰
墉展幣靈車少畱俯歆樽桂 右肅和

美報崇本嚴恭展事受露䟽壇承風啓地潔粢登俎純
犧入饋介福遠流群生畢遂 右雍和

神道發生敷九稼陰極乘仁暢八埏緯武經文隆景化
登祥薦祉啓豐年 右舒和

享先農舊樂章

三推禮就萬庾祈凝寅賓志遠蔗藜惟興降歆肅薦垂
祐祗膺送神有樂神其上昇 右誠和

享先農樂章 四首 貞觀中褚亮等作

粒食伊始農之所先古今攸賴是曰人天耕斯帝籍播
厥公田式崇明祀神其福焉 右誠和

樽彝既列瑚簋方薦歌工載登幣禮斯奠肅肅享祀顯
顯纓弁神之聽之福流寰縣右肅和

前夕視牲質明奉俎沐芳整弁斯儀式序盛禮畢陳嘉
樂備舉歆我懿德非馨稷黍右雍和

羽籥低昂文綴已干戚蹈厲武行初望歲祈農神所聽
延祥介福豈云虛右舒和

享先蠶樂章

五首高宗顯慶中作

芳春開令序韶苑暢和風惟靈申廣祐利物表神功綺
會周天宇黼黻澡寰中庶幾承慶節歆奠下帷宮右永
和
明靈光至德深功掩百神祥源應節啓福緒逐年新萬

宇承恩覆七廟佇恭禋一茲申至懇方期遠慶臻右肅
和

霞莊列寶位雲集動和聲金卮薦綺席玉幣委芳庭因
心罄丹款先已勵蒼生所冀延明福於茲享至誠右展
敬

桂筵開玉俎蘭圃薦瓊芳八音調鳳律三獻奉鸞觴潔
粢申大享庭實冀降祥神其覃有慶契福永無疆右潔
誠

仙壇禮既畢神駕儼將昇佇屬深祥起方期庶績凝虔
誠資宇內務本勗黎蒸靈心昭備享率土洽休徵右昭
慶

祈穀樂章

二首貞觀中褚亮等作

履艮斯繩居中體正龍運垂祉昭符啓聖式事嚴禋聿
懷嘉慶惟帝永錫時皇休命右肅和

殷薦乘春太壇臨曙八簋盈和六瑚登御嘉稷匪歆德馨斯飫祝嘏無易靈心有豫

右雍和

玉帛犧牲申嘉享金絲緘羽盛音容庶俾億齡禔景福長欣萬宇洽時邕

右舒和

祀九宮貴神樂章

十五首玄宗天寶三年術士蘇嘉慶言遁甲術有九宮貴神典

司水旱請立壇于東郊祀以四孟月詔從之禮在太清宮上所用牲玉皆侷天地

於昭上穹臨下有光羽翼五佐周流八荒誰其饗之時文對敷虞經夏典茲禮未遑

黑帝旋馭青躔導日金錄上玄玉堂初吉鈎陳夕次鑾和先蹕藹藹群靈昭昭咸秩

帝臨中壇受釐元神皇靈萃止羽旄肅陳攝提運衡招

搖移輪光光宇宙電耀雷震

夜如何其明星煌煌天清容衛露結壇場樹羽幢幢佩

玉鏘鏘凝精駐目瞻望神光

九位既肅萬靈畢會天門啓局日御飛蓋煥兮焚離儼

兮暗靄如山之福惟聖時對

崇崇泰壇靈具臨兮鏗鏗大樂振動心兮神之降矣卿

雲郁兮神之至止清風肅兮

右豫和

帝在靈壇大明登光天回雲粹穆穆皇皇金奏九夏圭

陳八薌曠哉動植如熙春陽

右太和

歌工既奏神位既秩天符衆星運行太乙聲和十管氣
應中律肅肅明廷介茲元吉 右肅和

俎豆有踐黃流在罇九宮之祀三代莫存樂變六宮壇
開八門聖皇昭對祐我黎元 右雍和

時文哲后肅事嚴禋馨我明德享我貴神大庖載盈旨
酒斯醇精意所屬期於利人 右壽和

祀既云畢明靈告旋禮洽和應福至神虔動植咸若陰
陽不愆錫茲純嘏天子萬年 右福和

羽籥既闋干戚陳八音克諧六變新愉貴神今般以樂
保皇祚兮萬斯春 右舒和

盛德陳萬舞威稜暢九垓風雲交律候日月麗昭回行

慶休祥發乘和春氣來百神肅臨享蕩蕩天門開 右凱安

精意嚴恭明祀豐潔獻酬既備俎豆斯撤日麗天儀風

和樂節事光祀典福覃有截 右肅和

享申百禮慶洽百靈上排閭闔洞入杳冥奠玉高壇燔

柴廣庭神之降福萬國咸寧 右豫和

廟祀歌辭

享太廟舊樂章 三首

七廟觀德百靈攸仰俗荷財成物資含養道光執契化

隆提象肅肅雍雍神其來饗 右迎神

肅肅清廟巍巍盛唐配天立極累聖重光樂和管磬禮備烝嘗永惟來裕降福無疆

右金奏

五聲備奏三獻終祠車移鳳輦旆轉虹旗禮周籩豆誠效虔祗皇靈徙躡簪紳拜辭

右送神

享太廟樂章

十一首

太宗貞觀十四年魏徵褚亮

於穆烈祖弘此丕基永言配命子孫保之百神既洽萬國在茲是用孝享神其格思

右永和

大哉至德允茲明聖格于上下聿遵誠敬嘉樂斯登鳴球以詠神其降止式隆景命

右肅和

崇茲享祀誠敬兼至樂以感靈禮以昭事粢盛咸潔牲

牲孔備永言孝思庶幾不匱

右雍和

濬哲維唐長發其祥帝命斯祐玉葉克昌配天載德就

日重光本枝百代申錫無疆

右長發舞

猗與祖業皇矣帝先剪商德厚封唐慶延在姬猶稷方

晉踰宣基我鼎運於萬斯年

右大基舞

周稱王季晉美帝文明明盛德穆穆齊芬藏用四履屈

道三分鏗鏘鍾石載祀鴻勳

右大成舞

五紀更運三正遞升勛華既沒禹湯勃興神武命代靈

睠是膺望雲彰德察緯告徵上紐天維下安地軸徵師

涿野萬國咸服偃伯靈臺九官允穆殊域委賚懷生介

福大禮既飾大樂已和黑章擾囿赤字浮河功宣載籍
德被詠歌克昌厥後百祿是荷

右大明舞

八音斯奏三獻畢陳寶祚惟永暉光日新

右壽和

聖敬通神光七廟靈心薦祚和萬方嚴禋克配鴻基遠

明德維馨鳳曆昌

右舒和

於穆清廟聿修嚴祀四縣載陳三獻斯止籩豆撤薦人

祗介祉神維格思錫祚不已

右雍和

肅肅清祀烝烝孝思薦享昭備虔恭在茲雍歌徹俎祝

嘏陳辭用光武志永固鴻基

右永和

享太廟樂章

五首高宗永徽中作

五運改卜千齡啓聖彤雲曉聚黃星夜映葉闡珠囊基

開玉鏡下臨萬寓上齊七政霧開三象塵清九服海濂

星暉遠安邇肅大地交泰華夷輯睦翔泳歸仁中外禔

福績踰黜夏勳高剪商武陳七德刑設三章祥禽巢閣

仁獸遊梁卜年惟永景福無疆

右崇德舞

承天撫籙纂聖登皇遐清萬寓仰協三光功成日用道

濟時康璇圖載永寶曆斯昌日月揚暉煙雲爛色河嶽

修貢神祗效職舜風攸偃堯曦先就睿感通寰孝思浹

宙奉揚先德虔遵曩猗展義天局飛英雲岫化逸王表

神凝帝先乘雲厭俗馭日登玄

右鈞天舞

廣樂既備嘉薦既新述先惟德孝饗惟親七獻具舉五
齊畢陳錫茲祚福於萬斯春 右太和舞

惟睿作聖惟聖登皇精靈耀魄時膺會昌舜慙大孝堯
推讓王能事斯極振古誰方文明履運車書同軌巍巍
赫赫盡善盡美衢室凝旒大庭端辰釋負之寄事光復
子脫屣高天登遐上玄龍湖超忽象野芊綿遊衣復道
薦果初年新廟奕奕明德配天 右景雲舞

大業龍祉徽音駿尊潛居皇德赫嗣天昆展儀宗祖重
誠孝孫春秋無極享奏存存 右光大舞

享太廟樂章 十四首中宗神龍元年作

肅肅清廟赫赫玄猷功高萬古化奄十洲中興丕業上

荷天休祗奉先構禮被懷柔 右嚴和

顧惟菲薄纂曆應期中外同軌夷狄來思樂用崇德禮

以陳詞夕惕若厲欽奉宏基 右昇和

禮標薦鬯肅事祠庭敬申如在敢託非馨 右虔和

崇禋已備粢盛聿修潔誠斯展鍾石方道 右歆和

金相載穆玉裕重輝養德青禁承光紫微乾宮候色震
象增威監國方永賓天不歸孝友自衷溫文性與龍樓

正啓鶴駕斯舉丹宸流念鴻名式序中興考室永陳彝

俎 右承光舞

巍巍累聖穆穆重光奄有區夏祚啓隆唐百蠻飲澤萬國來王本枝億載鼎祚逾長

右延和

惟聖配天敷盛禮惟天爲大闡洪名恭禋展敬光先德蘋藻申虔表至誠

右同和

炎馭失王綱土德承天命英猷被寰宇懿躅隆邦政七德已綏邊九夷咸底定景化覃遐邇深仁洽翔泳

右寧和

禮周三獻樂闋九成肅承靈福悚惕兼盈

右恭和

祠容旣畢仙座爰興停停鳳舉靄靄雲昇長隆寶運永錫休徵福覃貽厥恩被黎蒸

右通和

道洽二儀交泰時休四寓和平環佩肅於庭實鍾石揚

乎頌聲

右昭和

顧惟菲質忝位椒宮虔奉蘋藻肅事神宗敢申誠潔庶

罄深衷眸容有裕靈享無窮

右誠敬

月禮已周雲和將變爰獻其醑載遷其奠明德逾隆非

馨是薦澤霑動植仁覃寓縣

右肅和

鏗鏘韶護肅穆神容洪規赫赫祀典雍雍已周三獻將

乘六龍虔誠有託懇志無從

右昭感

享太廟樂章

二十五首玄宗開元七年張說作

肅九室諧八音歌皇慕動神心禮宿設樂妙尋聲明備裸奠臨

律逐氣音入玄依玉几御黼筵聆愾息優周旋九韶遍
百福傳

信工祝永頌聲來祖考聽和平相百辟貢九瀛神休委
帝孝誠 右永和

時文聖后清廟肅邕致誠勤薦在貌思恭玉節肆夏金
鏘五鐘繩繩雲步穆穆天空 右太和

天子享孝工歌溥將既裸鬱鬯乃焚膋薌臭以達旨聲
以求陽奉時烝嘗永代不忘 右肅和

在滌嘉豢麗碑敬牲角握之牝色純之駢火傳陽燧水
漑陰精太公胖俎傳說和羹

俎豆有馥齊盛潔豐亦有和羹既戒既平鼓鐘管磬肅

唱和鳴皇皇后祖賚我思成 右雍和

聖謩九德真言五千慶集昌冑符開帝先高文杖鉞克
配彼天三宗握鏡六合渙然帝其承祀率禮罔愆圖書

霧出日月清懸舞形德類詠論功傳黃龍蜿螭彩雲躡
蹀五行氣順八佾風宣介此百祿於皇萬年 右文舞

肅肅藝祖滔滔濬源有雄玉劔作鎮金門玄王貽緒后
稷謀孫肇禋九廟四海來尊 右光大舞

具禮崇德備樂承風魏推幢主周贈司空不行而至無
成有終神興王業天歸帝功 右長發舞

於赫元命權輿帝文天齊八柱地半三分宗廟觀德笙
鏞樂勲封唐之兆成天下君

右大政舞

帝舞季歷隆聖生昌后歌有嶠胎炎孕黃天地合德日
月齊光肅雍孝享祚我萬方

右大成舞

赤精亂德四海困窮黃旗舉義三靈會同早望春雨雲
披大風溥天來祭高祖之功

右大明舞

皇合一德朝宗百神削平天地大拯生人上帝配食單
于入臣戎歌陳舞曄曄震震

右崇德舞

高皇邁道端拱無為化懷獯鬻兵賦句驪禮尊封禪樂
盛來儀合位媧后同稱伏羲

右鈞天舞

退居江水鬱起丹陵禮物還舊朝章中興龍圖友及駿
命恭膺鳴球香瓚太糝是承

右太和舞

景雲霏爛告我帝符噫帝冲德與天為徒笙鏞遙遠俎
豆虛無春秋孝獻迴復此都

右景雲舞

備禮用樂崇親至尊誠通慈降敬徹愛存獻懷稱壽啐
感承恩皇帝孝德子孫千億大包天域長亘不極

右福和

六鍾翕協六變成八佾徜徉八風生樂九韶兮人神感
美七德兮天地清

右舒和

瑟彼瑤爵亞維上公室如屏氣門不容躬禮殷其本樂
執其中聖皇永慕天地幽通

禮匝三獻樂遍九成降循軒陛仰歆皇情福與仁合德
因孝明百年神位四海風行

總總干戚填填鼓鐘奮揚增氣坐作為容離若鷺鳥合
如戰龍萬方觀德肅肅邕邕

烈祖順三靈文宗威四海黃鉞誅群盜朱旗掃多罪戢
兵天下安約法人心改大哉干羽意長見風雲在

右凱安

止笙磬撤豆籩廓無響宵入玄主在室神在天情餘慕
禮罔愆嘉黍稷屢豐年

右登歌

眇嘉樂授靈爽感若來思如往休氣散迴風上返寂寞
還惚恍懷靈駕結空想

右永和

太廟裸地歌辭

陳叔達作

清明既裸鬱鬯惟禮大哉孝思嚴恭祖禰龍衮以祭鸞
刀斯啓發德朱絃升歌丹陛筵享粢盛堂斟沈齊降福
禳禳來儀濟濟

享清廟樂章

十首武后永昌元年作

建清廟贊玄功擇吉日展禋宗樂已變禮方崇望神駕
降仙宮

隆周創業寶命惟新敬宗茂典爰表虔禋聲明已備文
物斯陳肅容如在懇志方申

肅敷大禮上謁尊靈敬申筐幣載表丹誠

古登歌

敬奠蘋藻式罄虔襟潔誠斯展佇降靈歆 右迎神

爰陳玉醴式奠瓊漿靈心有穆介福無疆 右飲福

帝圖草創王業初開功高佐命業贊雲雷 右送文舞

赫赫玄功被穹壤皇皇至德洽生靈開基撥亂妖氛廓

佐命宣威海內清 右迎武舞

荷恩承顧託執契恭臨撫廟略靜邊荒天兵耀神武 右武舞作

舞作

登歌以闋獻禮方周欽承景福肅奉鴻休 右撤俎

大禮言畢仙衛將歸莫申丹懇空瞻紫微 右送神

太清宮樂章

十一首玄宗開元二十年正月詔兩京諸州置玄宗廟天寶二年三月以

西京玄宗廟為太清宮薦獻聖祖玄宗皇帝奏混成紫極之舞

煌煌道宮肅肅太清禮光尊祖樂備充庭罄竭誠至希

夷降靈雲凝翠蓋風燄紅旌衆真以從九奏初迎永惟

休祐是錫和平 右煌煌

虛無結思鐘磬和音歌以頌德香以達心禮殊裸鬯義

感昭臨雲車至止錫慶愔愔 右冲和

肅肅我祖緜緜道宗至感潛達靈心暗通雲輶御氣芝

蓋隨風四時禋祀萬國來同 右香初上

仙宗積道我李承天慶深虛極符光象先俗登仁壽化

闡壇涓五千貽範億萬斯年 右再上

不宰元功無為上聖洪源長發誕受天命金奏迎真璇宮展盛備禮周樂垂光儲慶

右終上

至道生元氣重圓法混成無為觀大象沖用體常名仙

樂臨丹闕雲車出玉京靈符百代應瑞節九真迎寶運

開皇極天光映太清長垂一德慶永庇萬方寧

右紫極舞

真宗開妙理沖教統清虛化演無為日言昭有象初瑤

壇肅靈瑞金闕映仙居一奏三清樂長回八景輿

右序入破

第一奏

虛極仙宗本希夷象帝先百靈朝太上萬法祖重圓善

貸惟沖德功成謂自然雲門達和氣思用合鈞天

右第二奏

元符傳紫極寶祚啓高真道德先垂裕沖和已化淳人

風齊太古天瑞叶惟新仙樂清都上長明交泰辰

右第一奏

嚴禋展事禮潔丞嘗皇矣聖祖德惟馨香盛薦既撤歌

工載揚大來之慶降福穰穰

右登歌

玉磬含響金爐既馥風馭冷冷雲壇肅肅杳歸大象需

流嘉福俾寧萬邦無思不服

右真和

德明興聖廟樂章

七首玄宗天寶二年三月追尊皇孫為德明皇帝涼武昭王為

興聖帝勅李舒為之辭

元尊九德佐堯光宅烈祖太宗方周作伯響懷霜露樂

變金石白雲清風髣髴來格

右迎神

四時有典百事來祭尊祖奉宗嚴禋大帝禮先蒼璧奠
備黝制於斯萬年熙成帝系 右登歌奠幣

盛牲實俎涓選休成鼎燧陽燧玉盥陰精有飶嘉豆既
和大羹侑以清樂細齊人情 右迎俎

清廟奕奕和樂雍雍器尊犧象禮屬宗公白水方裸黃
流在中謨明之德萬古清風 右德明酌獻

闕宮靜謐合樂周張泰尊始獻百末重觴震澹存誠庶
幾迪嘗遙源之祚天漢靈長 右與聖酌獻

惟清惟肅靡聞靡見舉備九成俛終三獻慶彰曼壽昨
撤嘉薦瘞玉埋牲禮神斯徧 右亞獻終獻

元精回復靈貺繁滋風灑蘭路雲搖桂旗高丘緬邈涼
部透遲瞻望靡及纏綿永思 右送神

享隱太子廟舊樂章 二首隱太子名建成高祖長子也唐受禪立為皇太子自
知不為中外所屬而秦王功益高懼廢乃與齊王元吉謀害秦王武德九年六月誅之武門下

蒼震有位黃離蔽明江充禍結屢據灾成銜冤昔痛贈
典今榮享靈有秩奉樂以迎 右迎神

皇情悼往祀議增設鐘鼓鏗鎗羽旄昭晰掌禮云備司
筵告撤樂以送神靈其鑒闕 右送神

隱太子廟樂章 五首
道闕鶴關運纏鳩里門集大命俾歆嘉祀禮亞六瑚誠

古樂府 卷一 三十一
殫二簋有孚顒若神斯戾止 右誠和

歲肇春宗乾開震長瑤山既寂戾圉斯享玉肅其事物

昭其象絃誦成風笙歌合響 右肅和

明典肅陳神居遂起春伯聯事秋官相禮有來雍雍登

歌濟濟緬維主鬯庶歆芳醴 右雍和

三縣已判歌鐘列六佾將開羽鉞分尚想燕飛來蔽日

終疑鶴影降凌雲 右舒和

天步昔將開商郊初欲踐撫戎金陣廓貳極瑤圖闡鷄

戟遂崇 一作威儀龍樓期好善弄兵墮震業啟聖隆祠典

右武舞

章懷太子廟樂章 五首神龍初作

副君昭象道應黃離銅樓備德玉裕成規仙氣靄靄靈

從師師前驅戾止控鶴來儀 右迎神

忠孝本著羽翼先成寢門昭德馳道爲程幣帛有典容

衛無聲司存既肅廟享惟清 右登歌酌鬯

通三錫胤明兩承英太山比赫伊水聞笙宗祧是寄禮

樂其亨嘉辰薦俎以發聲明 右迎俎酌獻

羽籥崇文禮以畢干戚奮武事將行用捨由來其有致

壯志宣威樂太平 右送文迎武

綠林熾炎曆黃虞格有苗沙塵驚塞外帷幄命嫖姚七

德干戈正三邊雲霧消寶祚長無極歌舞盛今朝右武舞

懿德太子廟樂章五首神龍初作懿德太子本名重照避武后諱改名重潤中宗

長子也永淳初立為皇太孫中宗失位廢庶人大足中為張易之兄弟所譖武后怒杖殺之

甲觀昭祥畫堂昇位禮絕羣后望尊儲貳啟誦慙德莊

丕掩粹伊浦鳳翔緱峰鶴至右迎神

譽闡元儲寄崇明兩玉裕雖晦銅樓可想弦誦輟音笙

歌罷響幣帛言設禮容無爽右登歌酌鬯

雍雍盛典肅肅靈祠賓天有聖對日無期飄飄羽服掣

曳雲旗眷言主鬯心乎愴茲右迎俎酌獻

八音協奏陳金石六佾分行整禮容滄溟赴海還稱少

素月開輪卽是重右送文迎武

隋季昔云終唐年初啟聖纂戎將禁暴崇儒更敷政威

略靜三邊仁恩覃萬姓右武舞

節愍太子廟樂章五首景雲中作節愍太子名重俊中宗第三子也神龍初立時

武三思得幸韋后將圖逆廢太子三年廢太子林兵誅三思遂入宮索后后挾帝升玄武門拒

之兵敗遇害

儲后望崇元良寄切寢門是仰馳道不絕仙袂雲會靈

旗電晰煌煌而來禮物攸設右迎神

灼灼重明仰承元首既賢且哲惟孝與友惟孝雖遙靈

規不朽祀因誠致備潔玄酒右登歌酌鬯

嘉薦有典至誠莫騫畫梁雲亘雕俎星聯樂器周列禮容備宣依稀如在若未賓天

右迎俎酌獻

邕邕闡化憑文德赫赫宣威藉武功既執羽旄先拂吹

還持玉械更揮空

右送文迎武

武德諒雍雍由來掃寇戎劍光揮作電旗影列成虹霧

廓三邊靜波澄四海同睿圖今已盛相共舞皇風

右武舞

讓皇帝廟樂章

六首李舒作讓皇帝本名成器避昭成太后諡改名憲睿宗長子也

文明初立為皇太子唐隆元年楚王有定社稷功憲固請立楚王而大臣亦以為言帝嘉憲能讓遂許之開元中涼州獻新曲玄宗召諸王同觀憲曰曲雖佳然宮離而不屬商亂而暴君早逼下臣僭犯上恐一日有播遷之禍上默然及安史亂世乃思憲審音云

皇矣天宗德先王季因心則友克讓以位爰命有司式

尊前志神其降靈昭饗祀事

右迎神

惟帝時若去而上仙祀用商武樂備宮懸白璧加薦玄

纁告虔子孫拜後承茲吉蠲

右奠幣

祀盛體薦禮協粢盛方周假廟用魯犧牲捧撤祗敬擊

拊和鳴受釐歸胙既戒而平

右迎俎

八音具舉三壽既盥潔茲宗彝瑟彼圭瓚蘭肴重錯椒

醑飄散降祚維城永為藩翰

右酌獻

秩禮有序和音既同九儀不忒三揖將終孝感藩后相

維辟公四時之典永永無窮

右亞獻終獻

奠獻已事昏昕載分風搖雨散靈衛網緼龍駕帝服上
騰五雲洋宮復闕寂寞無聞 右送神

昭德皇后廟樂章 九首

穆清廟薦嚴禋昭禮備和樂新望靈光集元辰祚無極
享萬春 右永和

誠心達娛樂分升蕭管鬱氛氲茅旣縮鬯旣薰後來思
福如雲 右肅和

我將我享盡明而誠載芬黍稷載滌犧牲懿矣元良萬
邦以貞心乎愛敬若睹容聲 右雍和

於穆先后儷聖稱崇母臨萬宇道被六宮昌時協慶理

內成功殷薦明德傳芳國風 右坤元

工祝致告德音不遐酒醴咸旨馨香具嘉受釐獻祉永

慶邦家 右壽和

金枝羽部輟清歌瑤臺肅穆笙磬羅諧音遍響合明意

萬類昭融靈應多 右舒和

辰位列四星帝功參十亂進賢勤內輔扈蹕清多難承

天厚載均並曜宵光燦留微藹前躅萬古披圖煥 右凱安

公尸旣起享禮載終稱歌進撤盡敬由衷澤流惠下大

小咸同 右雍和

昭事終幽享餘移月御返仙居璇庭寂靈幄虛顧徘徊

古樂府
感皇儲

右永和

儀坤廟舊樂章 二首

月靈降德坤元授光娥英比秀任姒均芳瑤臺薦祉金
屋延祥迎神有樂歆此嘉薌 右迎神

玉帛儀大金絲奏廣靈應有孚冥徵不爽降彼休福歆
茲禋享送樂有章神麾其上 右送神

儀坤廟樂章

十二首丘說鄭善玉胡雄劉子玄張齊顏等作

猗若清廟肅肅熒熒國薦嚴祀坤興淑靈有几在室有
樂在庭臨茲孝享百祿惟寧 右永和

陰靈効祉軒曜降精祥符淑氣慶集柔明瑤俎既列雕

桐發聲徽猷永遠比德皇英

右金奏

孝哉我后冲乎迺聖道映重華德輝文命慕深視儀情

殷撫鏡萬國移風兆人承慶

右太和

裸圭既濯鬱鬯既陳畫幕雲舉黃流玉醇儀充獻酌禮

盛衆裡地察惟孝愉焉饗親

右肅和

酌鬱既灌取蕭方藝籩豆靜嘉簋簋芬飶魚腊薦美牲

牲表潔是戢是將載迎載列

右雍和

陽靈配德陰魄昭升堯壇鳳下漢室龍興倪天作對前
旒是凝化行南國道盛西陵造舟集灌無德而稱我粢
既潔我醴既澄陰陰靈廟光靈若憑德馨惟享孝思烝

古樂府
卷一
三十一
丞 右昭升

乾道既亨坤元以貞肅雍攸在輔佐斯成外睦九族內
光一庭克生獻哲祚我休明欽若徽範悠哉淑靈建茲
清宮于彼上京縮茅以獻潔秬惟馨實受其福期乎億
齡 右坤貞

於穆清廟肅雍嚴祀合福受釐介以繁祉 右壽和

送文迎武遞參差一始一終光聖儀四海生人歌有慶

千齡孝享肅無虧 右舒和

妙算申帷幄神謀出廟庭兩階文物備七德武成功校
獵長楊苑屯軍細柳營將軍獻凱入歌舞溢重城 右安和

孝享云畢維撤有章雲感玄羽風淒素商瞻望神座祇

戀匪遑禮終樂闋肅雍鏘鏘 右雍和

闕宮奕奕清廟微微降格無象馨香有依式昭纂慶方

融嗣徽明禋是享神保聿歸 右永和

享孔子廟樂章 二首

通吳表聖問老探真三千弟子五百賢人德齡規法萬

載祠禋潔誠以祭奏樂迎神 右迎神

醴溢犧象著陳俎豆魯壁類聞泗川如覲里校覃福胄

筵承祐雅樂清音送神具奏 右送神

釋奠文宣王樂章 五首玄宗開元二十七年追謚孔子爲文宣王釋奠用宮懸

聖道日用神機不測金石以陳絃歌載陟爰釋其菜匪馨于稷來顧來享是宗是極 右誠和

萬國以貞光上嗣三善茂德表重輪視膳寢門遵要道高闕崇賢引正人 右承和

粵惟上聖有縱自天傍周萬物俯應千年舊章允著嘉贊孔虔王化茲首儒風是宣 右肅和

堂獻瑤篚庭敷璆縣禮修其容樂和其變肅肅觀享雍雍執奠明德惟馨蘋蘩可薦 右雍和

隼集龜開招聖列龍蹲鳳峙肅神儀尊儒敬業宏圖闡緯武經文盛德施 右舒和

武氏享先廟樂章

一首天后光宅元年九月武承嗣請追王其祖立武氏七廟太

后從之

先德謙撝冠昔嚴規節素超今奉國忠誠每竭承家至孝純深追崇懼乖尊意顯號恐玷徽音既迫王公屢請方乃俯遂群心有限無由展敬奠醑每闕親斟大禮虔中典冊蘋藻敬薦翹襟

韋氏褒德廟樂章

五首神龍中中宗為皇后韋氏祖考立廟曰褒德

道赫梧宮悲盈蒿里爰賜徽烈載敷嘉祀享洽四時規陳二簋靈應昭格神其戾止 右昭德

塗山懿戚媯汭崇姻祠筵肇啓祭典方申禮以備物樂

以感神用隆敦敘載穆彝倫

右進德

家著累仁門昭積善瑤篚既列金縣式展

右褒德

昭昭竹殿開奕奕蘭宮啓懿範隆丹掖殊榮闢朱邱六

佾薦徽容三簋陳芳醴萬石覃貽厥分珪崇祖禰

右武

名隆五嶽秩映三台嚴祠已備睟影方廻

右彰德

六八

萃繇

大齊

